



Centro Integrado Gestão De Crise Sala De Situação

KOMUNIKADU BA IMPRENSA

19 de Abril 2021, 18H15

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 19 fulan Abril 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun pur eskritu hanesan tuir mai:

I. DADUS JERAL BA TIMOR-LESTE TOMAK:

- 1) Total kazu konfirmadu kumulativu (sura husi 21 Marsu 2020): **1368**.
- 2) Kazu detetatu foun ne'ebé relata iha dia 19 Abril 2021: **62** (iha Dili 60, iha Munisipiu seluk 2).
 - Husi total kazu detetadu foun ohin: **mane 39, feto 23**.
 - Husi total kazu detetadu foun ohin: **asintomátiku 59 (95%), sintomátiku 3**.
 - Husi total kazu detetadu foun ohin, **43 (69,3%)** maka deteta tamba halo teste ho razaun atu halo viajen/ka halo ona viajen ba Munisipiu hafoin deteta pozitivu. Maski nune'e, sira ne'ebé rezultadu teste pozitivu, sira nia hela fatin, iha Dili, iha duni cluster sira ne'ebé iha kazu detetadu barak.
- 3) Kazu rekuperadu ne'ebé ralata iha dia 19 de Abril 2021: **30**.
- 4) Total kazu ativu ohin, dia 19 de Abril 2021: **673**.
- 5) Husi horiseik mai ohin, hamutuk hotu Laboratóriu Nasionál Saúde halo **535 testes PCR**, ho detalles hanesan tuir mai:
 - a) Vijilánsia sentinela: **6**.
 - b) Rastreiu ba kontaktu (Contact tracing): **102**.
 - c) Rastreiu Aleatoriu (Random Screening): **179**.
 - d) Viajen sai husi serka sanitária Munisipiu Dili: **245**.
 - e) Viajen internasionál: **3**.
 - f) Follow up iha quarentena: **0**.

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 19 ABRIL 2021.

(Tuir klasifikasaun transmissaun OMS nian)

Nº	MUNISIPIU	TOTAL KUMULATIVU KAZU KONFIRMADU	TOTAL KAZU FOUN IHA 24 ORAS IKUS	TOTAL ÓBITU IHA 24 ORAS IKUS	TOTAL KUMULATIVU ÓBITU	KLASIFIKASAUN TRANSMISSAUN
1	AILEU	4	0	0	0	Kazu esporádiku
2	AINARO	15	2	0	0	Kazu Esporádiku
3	BAUCAU	40	0	0	0	Kazu iha Cluster
4	BOBONARO	11	0	0	0	Kazu esporádiku
5	COVALIMA	50	0	0	0	Kazu iha Cluster
6	DILI	1162	60	0	2	Kazu iha Cluster
7	ERMERA	40	0	0	0	Kazu esporádiku
8	LAUTEM	3	0	0	0	Kazu esporádiku
9	LIQUIÇA	9	0	0	0	Kazu Esporádiku
10	MANATUTO	5	0	0	0	Kazu esporádiku
11	MANUFAHI	13	0	0	0	Kazu esporádiku
12	RAEOA	5	0	0	0	Kazu esporádiku
13	VIQUEQUE	11	0	0	0	Kazu iha Cluster
TOTAL		1368	62	0	2	

III. EVOLUSAUN SURTU COVID-19 IHA MUNISIPIU SIRA HO REAEOA

Evolusaun surtu Covid-19 iha Munisipiu sira ho mós RAEOA, bele haree iha tabela no dadus jerál iha leten.

IV. INFORMASAUN ADISIONÁL

1. Iha izolamentu Vera Cruz iha kazu detetadu nain 8. Iha área obstetrisia nain 3, medisina interna nain 5.
2. Sira nain 3 iha obstetrisia, 1 partu normal (bebé 1), 1 partu oan-kaduak, 1 fali ho istória cesariana, sei hein atu partu. Sira nain 3 kategoria moderadu hotu. Kondidaun bebé nain 3, estável.
3. Sira nain 5 iha medisina interna, 1 grave, nain 4 moderadu.
4. Kazu grave nafatin uza ventilador & aimoruk balun tuir protokolu ne'ebé Timor-Leste adopta.

V. APELU

Ba populusaun iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) Uza mascara; (b) fase liman beibeik ho sabaun ka dezinfetante ruma; (c) evita kose liman ba matan, inus ho ibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA